

Nunatsinni ingerlatseqatigiiffiit tamakkiisumik ilaannakuusumilluunniit Namminersorlutik Oqatussanit pigineqartut naalackersuinikkut qanoq ineriartortinnissaannut kissaatigisavut, tassungalu ilanngullugu sinneqartooruteqartarnissaannik, iluanaarutininik kiffartuussinikkullu inissisimanissaannik sutigut piumasaqaateqassanersugut pillugit apeqquteqaat aallaavigalugu oqallinnissamut siunnersuut.

(Inatsisartuni ilaasortaq Mimi Karlsen, Inuit Ataqatigiit)

Akissuteqaat

(Naalackersuisut Siulittaasuat)

Aallarniutigalugu ingerlateqatigiiffinni namminersorlutik oqatussanit tamakkiisumik ilaannakuusumilluunniit pigineqartuni ineriartorneq pillugu siunnersuummut saqqummiunneqartumut Naalackersuisut qujanirput. Sammisag tamanna pillugu apeqquteqaat aallaavigalugu oqallinnissaq pissutsinik ingerlatseqatigiiffinni namminersorlutik oqatussanit pigineqartuni ineriartornermi atorineqartunik paasiniaasoqarnissaanik periarfissiivoq.

Tamaat qiviassagaanni siunnersuuteqartumut Naalackersuisut ugguna isumaqataapput, tassa ingerlatseqatigiiffinni suliffeqarfinnilu piginnittuunitsinni aningaasanik iluanaarniarneq kisimi siunertarineqassanngitsoq. Taamaalillunilu ingerlatseqatigiiffiutitta arlaannaalluunniit aningaasanik iluanaarissaq kisiat siunertaralugu pilersinneqarlunilu ineriartortinneqarsimanngilaq. Ingerlatseqatigiiffiit namminersorlutik oqatussanit pigineqartut tamarmiullutik siunertaqarput - inuiaqatigiinni suliarineqartariaqartunik aqqiivigisasaqarput.

Taamaattoq ingerlatseqatigiiffiutitta ineriartornerat siunissaallu eqqartorneqartillugit ingerlatseqatigiiffiit assigiinnginnerujussuat maluginiassallugu pingaaruteqarpoq, ingerlatseqatigiiffiillu ineriartornissaannut naalackersuinikkut anguniakkat aamma assigiinngitsorujussuummata.

Assersuutigalugu attaveqaatitigut pilersuinikkullu suliffeqarfiit Tele Greenlanditut, KNI-tut, Royal Arctic Line-itut, Sikuki Nuuk Harbour-itut kiisalu Air Greenlanditut ittut matumani pineqarput. Suliffeqarfiit taakku ilaatigut ataatsimuussutigaat pilersuinermik kiffartuussinermillu ingerlataqartuugamik, tamannalu aqqutigalugu nunarput tamakkerlugu sullissisuummata ajunngitsumik assigiissumillu kiffartuussisuullutik.

Ingerlateqatigiiffittut ingerlatat allat assersuutigalugu tassaapput NunaOil, Greenland Holding, Greenland Oil Spill Response aamma Visit Greenland, taakkulu aktieselskabitut ingerlannissaat toqqarneqarsimavoq ilaatigut aalajangeeriaatsinik naalackersuinikkut allaffissornikkullu attuumassuteqanngitsumik atuilluni ingerlatsisoqarnissaa qulakkeerniarlugu, taamaattorli ingerlatseqatigiiffik mikisuussalluni niuernerullu tungaatigut ingerlatsinernik nalinginnaasunik isumagisaqarnani. Ingerlatseqatigiiffittut allatut ingerlatat pingajoraat Royal Greenland, taannalu niuerfinni unammillerfiusuni tamakkiisumik iluanaarfiusussatut ingerlanneqarpoq.

Naalackersuisut isumaqarput aktieselskabiutitsinnut aalajangersimasunik anguniagassanik tunngavissanillu peqartuarsimasoq, tamakkulu atuussimapput ingerlatseqatigiiffiit ataasiakkaat pilersinneraniilli, tamakkulumi aamma Inatsisartuni Naalackersuisunilu naalackersuinikkut isumaqataaffigineqarluarsimapput. Assersuutigalugu ukiut ingerlaneranni tunngaviatigut aalajangiusimaneqartuarpoq ingerlatseqatigiiffiit naalackersuinikkut allaffissornermi aningaasaqarnermut aqutsisoqarnermullu attuumassuteqarnatik ingerlanneqassasut.

Ingerlatseqatigiiffiit ingerlannerannut ineriartornerannullu naalackersuinikkut sunniuteqarnissaq, soorlu pilersitsinermut inatsit, aningaasaliissutissanut inatsit, ataatsimeersuarnerit, akuersissutit imaluunniit assersuutigalugu kiffartuussinissamik isumaqatigiissutit susasaqarfinni pisariaqartitsiffiusuni atorneqartut aqutigalugit killeqartinniarsarineqarpoq. Tassunga atatillugu aktieselskabinut attaveqarniartuarpuq, tamannalu aqutigalugu pigineqataasut, siulersuisut aqutsisoqarfimmiittullu akornanni kiisalu akulerunna-veersaartoqarnissaa ilanngullugu suliasanik agguaanissaq pillugu aktieselskabit pillugit inatsimmi aalajangersakkat naapertuuteqqissaartut malillugit sulisoqarniarpoq.

Aammattaaq aktieselskabit namminersorlutik oqartussanit pigineqartut aningaasarsiorluarnissamik tunngaveqarluni niuernermilu atugassarititaasut tunngavigalugit ingerlanissaannut tunngaviliunneqartoq atuinneqassasoq aalajangiusimaneqarpoq. Tamatumani ilaatigut pineqarpoq ingerlatseqatigiiffiit sinneqartoortit suliffeqarfiup suussusaanut angissusaanullu naleqquttut naapertorlugit ingerlanneqarnissaat, ingerlatseqatigiiffillu ilaat suliffeqarfinnut namminersortunut atugassarititaasut assigalugit iluanaarutiminnik piginnittuminnut tunniussisinnaassasut.

Illuatungaagullu taaneqareersutut ingerlatseqatigiiffiit assigiinngitsut naalackersuinikkut assigiinngitsutigut suliniuteqarfigineqartarmata aamma paasisariaqarpoq.

Attaveqaatit suliffeqarfiillu kiffartuussiviusartut arlaatigut unammillerneqarnatik ingerlanneqartut pineqartillugit susasaqarfiit taakkua iluini kikkunnut tamanut ammaassisoqarnissaanik imaluunniit namminersortunngorsaasoqarnissaanik Naalackersuisut pilersaaruteqanngillat. Anguniakkammi ingerlatseqatigiiffinnut ataasiakkaanut atuuttut, ingerlatseqatigiiffiillu ineriartornissaanut aqutsisuusussat taakkuupput anguniagassaasut.

Paarlattuanilli Naalackersuisut isumaqarput susasaqarfinni namminersorlutik oqartussat ingerlatseqatigiiffiutaasa ammasumik niuerfigisaanni unammillerfigisaannilu ammaasoqarnissaa namminersortunngorsaasoqarnissaalu naalackersuinikkut akerlerisariaqanngitsoq.

Tamaat isigalugu nalornisigineqassanngilaq ingerlatseqatigiiffinni assigiinngitsuni sammi- neqartut niuernikkut illersorneqarsinnaasumik tunngaveqarluni ingerlanneqassammata, tamatumani ingerlatseqatigiiffiit ineriartortuarnissaat aamma pingaaruteqarmat, tamannalu inuiaqatigiinnut iluaqutaalluni. Ingerlatseqatigiiffiit qanoq ineriartorfiunerat, suliniutillu sorliit pisariaqartinneqarsinnaanerit pillugit ingerlatseqatigiiffiit aqutsisuinut oqaloqatigin- ninnermik Naalackersuisut aallartitsereersimapput Taamatut oqaloqatiginninnerit aningaa-

saqarnertigut inuiaqatigiillu tungaasigut aallaaveqartinneqarput, tamakkuuppullu pingaarutillit ingerlatseqatigiiffiup ineriartortinnerani tunngaviusariaqartut.

Ingerlatseqatigiiffiit namminersorlutik oqartussanit pigineqartut ingerlanneqarnerat aktieselskabit pillugit inatsimmik aallaaveqarpoq, tassanilu ingerlatseqatigiiffinni aqutsisut *”Namminersorlutik Oqartussanit pigineqartunik ingerlatseqatigiiffinnik aqutsilluarnissamut najoqqutassiat” malinnissaannik kaammattugaapput, najoqqutassiallu Inatsisartunit tapersorsorluarneqarlutik 2012-imi atortussanngortinneqarput.* Naalakkersuisut ingerlatseqatigiiffiit peqatigalugit ineriartortitsinermik nangitserusupput, taamaaliornermilu suliasanik agguataarisarneq, ingerlatseqatigiiffiillu inuiaqatigiinnut pingaaruteqassusiat ataatsimut ataqqillugit aallaaviginerisigut. Naalakkersuisut anguniagaraat ineriartortitsinermik suliap siunissami ingerlatseqatigiiffiit piginnittuunerannut periusissaanni pingaartinneqarnissaa, tassanilu ilaatigut suliffeqarfiit ineriartortitsinissaannut inuiaqatigiinnilu iluaqutaanissaannut kissaatinik piumasaqaatinillu tamanna imaqartillugu.

Taamatut oqaaseqarluta apeqquteqaat aallaavigalugu oqallittoqarnissaanik siunnersuutip Inatsisartuni suliarineqarnissaa Naalakkersuisut qilanaaraat.